


Bilten

Kantonalnog suda u Novom Travniku
Posebno izdanje u povodu Europskog dana pravde



EUROPSKI DAN PRAVDE U BIH



KANTONALNI SUD U NOVOM TRAVNIKU
EUROPSKI DAN PRAVDE
26.10.2016. GODINE

CANTONAL COURT IN NOVI TRAVNIK
EUROPEAN DAY OF JUSTICE
26 th October 2016

Okrugli stol: "Uznemiravanje i prevencija seksualnog i rodno zasnovanog uznemiravanja"



„Dani otvorenih vrata suda”

Posjeta građana i organizirani obilasci učenika osnovnih i srednjih škola i studenata pravnih fakulteta



EUROPSKI DAN PRAVOSUĐA
EVROPSKI DAN PRAVDE
EUROPSKI DAN PRAVDE
26.10.2016. GODINE



ec.europa.eu/justice/civil
coe.int/CEPEJ



European
Commission

“Dan pravde će pomoći 800 milijuna građana u 47 zemalja članica Vijeća Europe da budu bolje informirani o njihovim pravima i o tome kako funkcionira pravosudni sustav”

(Walter Shcwimmer, Generalni tajnik Vijeća Europe, lipanj 2003. godine)

Europski dan pravde ustanovljen je 05.06.2003. godine od Vijeća Europe i Europske komisije. Obilježava se svake godine u mjesecu listopada/oktobru, sa ciljem da približi građanima pravosudni sustav, kako bi im se učinio dostupnijim, kao i da im se pruži mogućnost da bolje razumiju svoja prava i upoznaju sredstva koja im stoje na raspolaganju radi ostvarivanja njihovih prava.

Sudovi zemalja članica Europske mreže pilot sudova posebno su pozvani da učestvuju u obilježavanju Europskog dana pravde.

Svrha ovog dana je da educira i informira opću populaciju o njihovim svakodnevnim pravima, te da

okupi stručnjake iz pravne oblasti kako bi razmijenili informacije iz oblasti građanskih i drugih prava i susreli se sa korisnicima sudova.

Također, države su pozvane da obavijeste Vijeće Europe i Europsku Komisiju za efikasnost pravosuđa Vijeća Europe (“CEPEJ”) o načinu obilježavanja Europskog dana pravde.

Events by country	
	Belgium (26 October 2016)
	Bosnia and Herzegovina (26 October 2016)
	Croatia (26 and 27 October 2016)
	Czech Republic (26 October 2016)
	Estonia (25 October 2016)
	Germany (25 October, 9 November and 15 November 2016)
	Italy (26 October 2016)
	Latvia (February or March 2017 - will be confirmed)
	Lithuania (24 and 25 October 2016)
	Luxembourg (25 October 2016)
	Poland (26 November 2016)
	Portugal (24 to 29 October 2016)
	Romania (26 October 2016)
	Slovakia (21 October 2016)
	Slovenia (1 October 2016)
	Slovenia (27 and 29 September 2016)
	Spain (26 October 2016)
	Switzerland (24 September 2016)

Na web stranicama Vijeća Europe se mogu pronaći informacije o Europskom danu pravde, kao i aktivnosti zemalja članica povodom ovog dana. www.coe.int/cepej

European Day of Justice 2016 Open door days at Court

Cantonal Court in Novi Travnik
Bosnia and Herzegovina

PROGRAM

Wednesday, 26th October, 2016

- from 9:00 Court open Day:**
Free access to citizens and guided tours of elementary school, high school and law school students.
- Accredited representatives of the court will inform interested persons with the functioning of this Court with a focus on harassment and prevention of the sexual and gender-based harassment.
- 10:00 Signing of the Protocol on cooperation** between Cantonal court in Novi Travnik and Municipal court in Travnik, Bugojno, Kiseljak and Jajce about providing psychological and other forms of support to witnesses/victims in criminal cases conducted before the municipal courts in Middle Bosnia Canton by the witness support office of this Court.
- 10:30 Round Table: "Harassment and prevention of the sexual and gender-based harassment" Hotel "Central" Vitez**
- The round table will be organized with the cooperation and support of the Atlantic Initiative (AI) and a Centre for security, development and the rule of law (DCAF) and will bring together representatives of ministries, courts, prosecutors, the bar association, the centers for social work and other governmental and non-governmental organization in the Canton Middle Bosnia.
- The media will also be invited to this special event.

Europski dan pravde 2016. Dani otvorenih vrata suda

Kantonalni sud u Novom Travniku
Bosna i Hercegovina

PROGRAM

Srijeda, 26.10.2016. godine

- od 9:00 Dani otvorenih vrata suda:**
Slobodan pristup sudu građanima, vođeni obilasci zainteresiranih građana, učenika osnovnih i srednjih škola, te studenata
Predstavnici suda će zainteresirane osobe, učenike i studente upoznati sa radom suda, sa naglaskom na uznemiravanje i prevenciju seksualnog i rodno zasnovanog uznemiravanja.
- 10:00 Potpisivanje Sporazuma o suradnji** između Kantonalnog suda u Novom Travniku i općinskih sudova u Travniku, Bugojnu, Kiseljaku i Jajcu u svezi pružanja psihološke i drugih vidova podrške svjedocima/oštećenim u kaznenim predmetima koji se vode pred općinskim sudovima u KSB/SBK od strane Odjela za podršku svjedocima ovog suda.
- 10:30 Okrugli stol: "Uznemiravanje i prevenciju seksualnog i rodno zasnovanog uznemiravanja" Hotel "Central" Vitez**
Okrugli stol će biti organiziran uz suradnju i podršku projekta Atlantske Inicijative (AI) i Centra za sigurnost, razvoj i vladavinu prava (DCAF) i okupiće predstavnike ministarstava, sudova, tužiteljstava, Odbjedačke komore, centara za socijalni rad i drugih, vladinih i nevladinih organizacija u KSB/SBK.
- Sredstva javnog informiranja će biti pozvana da prate ove događaje.

Europski dan pravde u 2016. godini

Novi Travnik, 26.10.2016. godine

Kantonalni sud u Novom Travniku kao predstavnik Bosne i Hercegovine u Europskoj mreži pilot sudova, dana 26.10.2016. godine obilježio je Europski dan pravde.

Dani otvorenih vrata suda započeli su u 9:00 sati organiziranim obilascima i slobodnim pristupom građana. Akreditirani predstavnici suda su zainteresirane osobe, učenike osnovnih i srednjih škola i studente Pravnih fakulteta upoznali sa radom suda, radom Odjela za podršku svjedocima, s posebnim osvrtom na uznemiravanje i prevenciju seksualnog i rodno zasnovanog uznemiravanja. Studentima je omogućeno i praćenje suđenja u predmetu ratnog zločina.



Kantonalni sud u Novom Travniku posjetili su: učenici Osnovne škole „Edhem Mulabdić“ iz Opare, Osnovne škole „Novi Travnik“, Srednje škole „Novi Travnik“, Mješovite srednje škole „Novi Travnik“, studenti Pravnog fakulteta u Kiseljaku i Sveučilišta/Univerziteta „Vitez“ u Vitezu.



Učenicima i studentima je podijeljen promotivni materijal u vidu brošura i informativnih letaka, u okviru kojih se poseban naglasak stavlja na zaštitu djece i maloljetnika od seksualnog zlostavljanja.

Okrugli stol: „Uznemiravanje i prevencija seksualnog i rodno zasnovanog uznemiravanja“


U povodu obilježavanja Europskog dana pravde, organiziran je Okrugli stol u Hotelu “Central” (Franšizni centar) Vitez na temu: „Uznemiravanje i prevencija seksualnog i rodno zasnovanog uznemiravanja“. Okrugli stol je organiziran uz suradnju i podršku projekta Atlantske Inicijative (AI) i Centra za sigurnost, razvoj i vladavinu prava (DCAF) i okupio je predstavnike ministarstava, sudova, Odvjetničke komore, centara za socijalni rad i drugih, vladinih i nevladinih organizacija u KSB/SBK.



Sve učesnike Okruglog stola pozdravila je predsjednica Kantonalnog suda u Novom Travniku gđa Katica Jozak-Mađar i zahvalila se na dobrodošlici. Iskreno se zahvalila suorganizatorima Atlantskoj inicijativi (AI) i Centru za sigurnost, razvoj i vladavinu prava (DCAF) bez čije podrške i potpore u svakom pogledu se ne bi mogao uspješno organizirati današnji događaj, te se zahvalila partnerima iz Vijeća Europe i partnerima iz OSCE-a. Pozdravila je i predstavnike medija. Naglasila je da organiziranje ovog Okruglog stola je višestruko korisno za sve učesnike koji se susreću u svom radu sa ovom problematikom, kako za pravosuđe tako i za svu zajednicu a naročito u postizanju što većeg nivoa prevencije seksualnog i rodno zasnovanog uznemiravanja.

Kantonalni sud u Novom Travniku kao predstavnik Bosne i Hercegovine u Europskoj mreži pilot sudova koju je osnovala Europska komisija za efikasnost pravosuđa pri Vijeću Europe, posebno je pozvan da svake godine priredi obilježavanje Europskog dana pravde. Bosna i Hercegovina je članica Vijeća Europe od 2002. godine, te se obvezala potpisati i ratificirati Europsku konvenciju o zaštiti prava i ljudskih

sloboda, a tema okruglog stola upravo nalazi uporište u Europskoj konvenciji. Zabrana diskriminacije po osnovu spola je pravo svakog građanina, pojedinca i uposlenika. Na okruglom stolu se danas predstavlja šta je pravosuđe uradilo na polju uznemiravanja i seksualnog i rodno zasnovanog nasilja. Kazna je nužna za svako uznemiravanje i ono je neprihvatljivo i nezakonito. Prevencija je ključni čimbenik u ostvarivanju svakog pojedinačnog ljudskog prava, treba da se posjeduje pravo na dostojan život, dostojno radno mjesto i poštovanje kolektiva i okoline. Obilježavanjem Europskog dana pravde Kantonalni sud u Novom Travniku priprema svoje kapacitete da bude u korak s vremenom i aktualnim temama.



Sa predsjednicima Općinskih sudova KSB/ SBK potpisan je Protokol o suradnji u pružanju usluga Odjela za podršku svjedocima koji je ustrojen pri Kantonalnom sudu u Novom Travniku jer

Općinski sudovi nemaju kapacitete za takav odjel, a rade na složenim predmetima u kojima se pojavljuju svjedoci, žrtve/oštećeni i malodobnici koji također trebaju psihološku i svaki drugi vid podrške.

Nakon uvodnog predstavljanja na Okruglom stolu, nazočnima se obratila Majda Halilović, voditeljica Odjela za istraživanje u Atlantskoj inicijativi u BiH koji se provodi u okviru Projekta Rod i pravosuđe. Zahvalila se predsjednici Kantonalnog suda u Novom Travniku na odabiru ove i te kako velike teme i što je prepoznala inicijativu i DCAF kao važne partnere u procesu razmatranja tema preventivnog djelovanja u slučajevima seksualnog i rodno zasnovanog uznemiravanja ne samo pravosudnih organa nego i cjelokupne profesionalne i društvene zajednice, te se zahvalila na organizaciji Okruglog stola. Projekt Rod i pravosuđe počeo je od 2012. godine koji financiraju švedska i norveška vlada u BiH i usmjeren je na tri oblasti: sudske odgovore na nasilje u porodici, rodne predrasude u pravosuđu i seksualno uznemiravanje. Za vrijeme implementacije ovog projekta razvijena je izvrsna mreža stručnjaka u pravosudnim institucijama koji rade na ostvarivanju ravnopravnosti polova. Fokus su Smjernice za prevenciju seksualnog i rodno zasnovanog uznemiravanja u pravosudnim institucijama u BiH kao preventivni mehanizam. Generalno u BiH nema dovoljno aktivnosti na ovu temu, te na ovaj način će se načiniti pionirski koraci u prevenciji seksualnog i rodno zasnovanog uznemiravanja. VSTV je u februaru 2015. godine usvojilo navedene Smjernice koje su adekvatan i detaljan mehanizam za prevenciju i prepoznavanje problematike. Sve institucije imaju obavezu da provode ove Smjernice. Statistike EU govore da je

seksualno uznemiravanje rasprostranjeno na 30-50 % žena i 10 % muškaraca na radnom mjestu, što je iznimno velik procenat. Osamdesetih godina se u EU počela davati pažnja seksualnom uznemiravanju, da bi to danas predstavljalo oblik diskriminacije. Zemlje članice EU imaju obvezu da razviju mehanizme sprječavanja seksualnog uznemiravanja. U BiH trenutno ne postoji globalna statistika koliki je procenat seksualnog uznemiravanja. Jedno istraživanje Agencije za ravnopravnost polova u BiH iz 2013. godine pokazuje da je oko 16 % uposlenika bilo izloženo oblicima seksualnog uznemiravanja. Seksualno uznemiravanje se dešava u raznim oblicima – fizičkom, verbalnom i neverbalnom. Pravosuđe je prepoznato za ovu problematiku kako bi se donio jedan mehanizam i kako bi stručnjaci radili na tome i to je nešto što treba zaživjeti i u BiH. Seksualno uznemiravanje može biti usmjereno prema jednoj osobi ili čak više osoba te stvarati neprimjerenu i negativnu klimu. Rodno zasnovano uznemiravanje je neželjeno ponašanje koje je vezano sa rodom neke osobe (šale, insinucije itd.) Najveći problem predstavlja to što uznemiravana osoba ne može da riješi taj problem brzo i efikasno, te se javljaju oblici depresije i gubitka samopoštovanja, dolazi i do trpljenja posla, a to su velike posljedice koje se rješavaju na pogrešne načine (odsustvovanje s posla) i stvaraju posljedice i po samo okruženje osobe.



Nazočnima se obratio Nenad Galić, pravni savjetnik u Centru za sigurnost, razvoj i vladavinu prava (DCAF). Seksualno i rodno zasnovano uznemiravanje je protivpravno i nezakonito ponašanje i dva osnovna zakona koji regulišu ovu zabranu i pružaju zaštitu i propisuju sankcije su Zakon o ravnopravnosti spolova u BiH i Zakon o zabrani diskriminacije u BiH. Ovi zakoni su bili uporište za izradu i usvajanje Smjernica za prevenciju seksualnog i rodnog zasnovanog uznemiravanja u pravosudnim institucijama u BiH. Seksualno uznemiravanje po Zakonu o ravnopravnosti spolova je kazneno djelo i stepen zaštite je postavljen prilično visoko, a rodno zasnovano uznemiravanje bi moglo biti tretirano po Zakonu o ravnopravnosti spolova kao kazneno djelo, a prema Zakonu o zabrani diskriminacije predstavlja poseban oblik diskriminacije.

Zaštita je kaznenopravna, građanskopravna, pa i prekršajna. Pred Sudom BiH ima prilično mali broj slučajeva uznemiravanja, pa je i sudska praksa mala. Dosada su zaštitu predstavljali interni akti kao što su

disciplinski postupci, a etički kodeksi se nisu dovoljno doticali ponašanje koje se podvodi pod seksualno i rodno zasnovano uznemiravanje, tako da je dosada postojala pravna praznina. To je bio povod da se pravosudni stručnjaci okupe i izrade Smjernice za postupanje u takvim slučajevima. Ukoliko postoji mehanizam prijavljivanja koje zakoni normiraju također treba postojati i mjere preventive koje se razrađuju u Smjernicama.

Ovim Smjernicama pravosuđe je dobilo jedan pravni okvir preventivnog djelovanja u domenu seksualnog i rodno zasnovanog uznemiravanja. Zajedno sa panelom pravosudnih stručnjaka je izrađen ovaj važan dokument.

Za nazočne je pripremljen i prezentiran i video u čijoj izradi su također učestvovali pravni stručnjaci, od profesora fakulteta do predsjednika sudova i Pravosudne komisije Brčko distrikta. Akcenat se daje na pojašnjenje seksualnog i rodno zasnovanog nasilja i na prevenciji, kao i na predstavljanju Smjernica.



Smjernice su inovativne u domenu određenih obaveza koje normiraju, a jedna od najbitnijih novina je da svaka pravosudna institucija imenuje savjetnika/cu za prevenciju seksualnog i rodno zasnovanog uznemiravanja kao

kontakt osobu unutar same pravosudne institucije, te da ti savjetnici prođu specijalizovanu obuku, što je i učinjeno prošle godine za one pravosudne institucije koje su dosad imenovale takve savjetnike/ce.

Savjetnici su u obvezi da edukuju uposlenike i uposlenice u okviru institucije unutar sudova i tužilaštava, te postoji obveza da se unutar pravosudnih institucija, s ciljem podizanja svijesti samih uposlenika da se distribuira promotivni materijal.



Predsjednica Kantonalnog suda u Novom Travniku gđa. Katica Jozak Mađar se osvrnula na podatke o procesuiranju kaznenog djela seksualno uznemiravanje onako kako je predviđeno člankom 29. Zakona o ravnopravnosti spolova u BiH. Naime, prema istraživanju Agencije za ravnopravnost spolova u 2014. godini je procesuirano 11 predmeta iz oblasti

seksualnog uznemiravanja. Kantonalni sud u Novom Travniku je zatražio podatke u svrhu ovog Okruglog stola, te je utvrđeno da pred sudovima u KSB/SBK nije bilo slučajeva procesuiranja ove prirode. Cilj nije na kažnjavanju nego prvenstveno na prevenciji slučajeva seksualnog i rodno zasnovanog uznemiravanja. Potrebno je prvenstveno djecu educirati o ovoj temi u vrtićima, osnovnim i srednjim školama. S tim u svezi promotivni materijal (online letak) je distribuiran svim učesnicima Okruglog stola, te učenicima i studentima koji su posjetili Kantonalni sud u Novom Travniku.



Kompletan tekst na web stranici www.pravidodonjegrublja.org



Predstavnica „Medica“ Zenica, kao organizacije za zaštitu ženskih prava, gđa. Irma Šiljak je istakla da je ova tema nešto što im je u svakodnevnoj obvezi u radu i da je pitanje seksualnog i rodno zasnovanog uznemiravanja regulirano pravilnicima o radu organizacije, statutom i ostalim koracima i procedurama postupanja.

Kroz rad i preventivno djelovanje podiže se svijest o različitim oblicima rodno zasnovanog i seksualnog uznemiravanja, uključujući i uznemiravanje na poslu.

U „Medici“ Zenica stručno osoblje se suočava sa različitim vidovima nasilja, prvenstveno prema ženama i djecom, kako ratnog tako i mirnodopskog, a usluge se pružaju kroz sigurne kuće i psihološko i pravno savjetovanje.

Kroz pravno savjetovanje nije bilo slučajeva u vezi seksualnog i rodno zasnovanog uznemiravanja, ali su zato postojali drugi vidovi podrške i pomoći koji su se pružali žrtvama takvog uznemiravanja. Organiziranje Okruglog stola i donošenje Smjernica je veliki korak da se više govori o ovoj temi i poduzmu konkretni koraci i ojača svijest građana i građanki, da se prijavi bilo koji oblik nasilja i zlostavljanja, te da se više govori o ovoj temi prvenstveno počevši od škola.

Predstavnik Hrvatske udruge logoraša Anđelko Kvesić je istakao da u samoj organizaciji nisu bili prepoznati

slučajevi seksualnog i rodno zasnovanog uznemiravanja, međutim predstavnici ove udruge su i ranije učestvovali na ovakvim Okruglim stolovima na kojima je bilo riječ o raznim oblicima nasilja. Prijedlog Udruge je da se u ovu aktivnost najviše trebaju uključiti muškarci jer su oni mnogo češće uzročnici ovakvih negativnih pojava.



Predstavnik Pravnog fakulteta Univerziteta/Sveučilišta u Vitezu Adnan Pirić je istakao da imaju obvezu da se educiraju mladi ljudi. Obveza je da se poštuje etički kodeks, a također da

se ukaže na problem koji postoji. Naglasio je da disciplinski tužilac apeluje na žrtve ovakve diskriminacije da osobno razgovaraju sa osobom čije su žrtve. Apeluje se i na generalnu prevenciju. Postavlja se pitanje šta je sa osobama koje nemaju hrabrosti da prijave takvo kazneno djelo. Predstavnici pravosuđa će sankcionirati takvo ponašanje, ali konkretno mora da postoji dokumentovana prijava protiv neke osobe koja čini takvo nezakonito ponašanje. Koliko se temeljito provode određene istrage? Fakultet je spreman da u svakom vidu pa i kriminološki izvrši istraživanje koliko se poduzimaju pojedine radnje u vezi sa ovakvim uznemiravanjem.

Predstavnica Ministarstva zdravstva i socijalne politike KSB/SBK gđa Edina Alihodža je istakla da bi se kroz Zakon o državnoj službi FBiH također trebala obuhvatiti ova problematika te da se ovakve Smjernice ugrade u zakone ili podzakonske akte i da se radi na njihovoj implementaciji u svim vidovima. Organi uprave su prvi koji kontaktiraju sa strankama. Žrtvama se može pomoći onoliko koliko one same žele.

Predstavnik OSCE-a gđin Edo Sujoldžić je izjavio kako se pridaje dužna pažnja ovakvim pitanjima kroz ljudsku dimenziju. Treba se osigurati poštovanje ljudskih prava. Misija OSCE-a usvaja pravila za rodnu ravnopravnost - gender mainstreaming. Prepoznaje se da je rodna ravnopravnost esencijalni element sigurnosti. Kroz pravila službe koja svi službenici OSCE-a moraju potpisati, čije kršenje rezultira pokretanjem postupka, kaže se da su dužnosnici dužni da se uzdržaju od bilo kakvog čina koji je u suprotnosti sa OSCE politikom, profesionalnim i radnim okruženjem. Doneseno je i pravilo za osoblje OSCE-a protiv seksualnog uznemiravanja i diskriminacije, te propisuje postupak u slučaju takvih pojava. Propisano je mirno rješavanje. Ako medijacija ne uspije ulaže se prijava Šefu Misije ili Generalnom Sekretaru OSCE-a koji rješava slučaj odmah ili ga prosljeđuje istražnom timu koji vraća izvještaj Šefu ili Sekretaru koji donosi konačnu odluku.

Predsjednica Općinskog suda u Bugojnu gđa Randžana Hadžibegović - Haračić je naglasila kako će i ove godine 28.10.2016.g. Općinski sud u Bugojnu imati Dane otvorenih vrata na koje su pozvani građani, učenici i studenti. U skladu sa uputama VSTV-a svi uposlenici suda su upoznati sa Smjernicama i sa pojmovima seksualnog i rodno zasnovanog nasilja, te je imenovana savjetnica za prevenciju.

Predsjednik Općinskog suda Travnik gđin. Goran Dujčić istaknuo je pored značaja današnja tema koja je jako važna da se u što kraćem vremenu zakažu sastanci jer je primjetna velika pojava uvjetnih osuda što ostavlja negativan uticaj na javnost i na tom planu se mora napraviti jedan veliki zaokret i na krivičnopravnom planu.

Savjetnik za prevenciju seksualnog i rodno zasnovanog nasilja u Općinskom sudu u Kiseljaku, sudac Nedžad Baković istaknuo je da nije bilo prijavljivanih slučajeva, a Smjernice se provode i savjetnici su prošli obuku na ovu temu.



EUROPSKA KOMISIJA ZA EFIKASNOST PRAVOSUĐA (CEPEJ) ŠTO JE CEPEJ?

CEPEJ je tijelo Vijeća Europe osnovano Rezolucijom o osnivanju Europske komisije za efikasnost pravosuđa, Res(2002)12, Komitetu ministara Vijeća Europe, kako bi radilo na poboljšanju efikasnosti i funkcioniranju pravosudnog sustava u zemljama članicama Vijeća Europe. CEPEJ čine predstavnici svih 47 država članica Vijeća Europe. Nacionalnog člana CEPEJ-a u ime pravosuđa Bosne i Hercegovine imenovalo je Visoko sudbeno i tužiteljsko vijeće BiH. CEPEJ o svojim aktivnostima podnosi godišnje izvješće Komitetu ministara Vijeća Europe. CEPEJ kroz svoje djelovanje nastoji da:

Unaprijedi efikasnost i funkcioniranje pravosudnog sustava u zemljama članicama Vijeća Europe, sa ciljem da se osigura da svako može efikasno ostvariti svoja prava, čime se povećava povjerenje građana u pravosudni sustav; Omogući bolju primjenu međunarodnih pravnih instrumenata Vijeća Europe koji se tiču efikasnosti i pravičnosti pravosuđa. U konačnici, ostvarenjem navedenih ciljeva želi se smanjiti broj predmeta pred Europskim sudom za ljudska prava uzrokovanih od strane pravosudnih institucija država članica Vijeća Europe, kroz različite oblike povrede prava na pravično suđenje priznatog člankom 6. Europske konvencije za zaštitu ljudskih prava i temeljnih sloboda.

Suradnja VSTV BiH sa Cepej-om

Visoko sudbeno i tužiteljsko vijeće BiH redovito dostavlja CEPEJ-u podatke o radu pravosudnih institucija u Bosni i Hercegovini. Ovi podaci se objavljuju u dokumentu „Europski pravosudni sustavi. Efikasnost i kvalitet pravosuđa“. Pomenuti dokument se objavljuje svake dvije godine i sadrži detaljna poređenja europskih pravosudnih sustava. Nedavno je na internet stranici Vijeća objavljen prijevod posljednjeg izdanja ovog dokumenta. Također, Vijeće je osiguralo prijevode najvažnijih CEPEJ-ovih dokumenata i dostavilo ih je svim sudovima i tužiteljstvima, kao i drugim relevantnim institucijama u Bosni i Hercegovini. U skoroj budućnosti suradnja sa CEPEJ-om će se intenzivirati kroz aktivnost eksperimentalnog prikupljanja podataka o trajanju sudskih postupaka u jednom broju sudova u Bosni i Hercegovini. Pored toga, nacionalni član Bosne i Hercegovine redovno učestvuje u radu CEPEJ-a. Konačno, Kantonalni sud u Novom Travniku aktivno učestvuje u radu CEPEJ-ove mreže pilot sudova.

Europska mreža pilot sudova

Europska mreža pilot sudova uspostavljena je od strane Europske komisije sa efikasnost pravosuđa (CEPEJ), s ciljem da se: podrže aktivnosti CEPEJ-a kroz bolje razumijevanje svakodnevnog funkcioniranja sudova, ukaže na najbolje prakse rada u europskim sudovima koji bi mogle biti iznijete pred nadležna tijela u državama radi njihovog eventualnog usvajanja s ciljem unapređenja efikasnosti pravosudnih sustava.

Kantonalni sud u Novom Travniku je predstavnik Bosne i Hercegovine u Europskoj mreži pilot sudova od 13.12.2007. godine.

Organizacioni odbor za obilježavanje Europskog dana pravde u Kantonalnom sudu u Novom Travniku u 2016. godini čine: Branka Bajo, Rubina Begović, Senad Begović, Amra Bosto, Mirjana Grubešić, Katica Jozak-Madar, Almir Račić i Zuhdija Čosić.



Više informacija o obilježavanju Europskog dana pravde možete dobiti posjetom na slijedeće web stranice:

www.coe.int/cepej

www.ksud-novitravnikpravosudje.ba

www.hjpc.ba

<http://pravosudje.ba/vstv/faces/vijesti.jsp?id=32314>

